

Na osnovu člana 3, 21. i člana 22. st.2) Zakona o kolektivnom ostvarivanju autorskog i srodnih prava (Sl.glasnik BiH 63/10) te člana 19. i dijeka X Statuta Udruženja Original za ostvarivanje i zaštitu reprodukcijских prava (dalje: Udruženje Original), Skupština Udruženja na redovnoj sjednici dana 20.12.2019.godine usvaja:

GODIŠNJI PLAN RASPODJELE PRIKUPLJENIH NAKNADA ZA 2018. i 2019.godinu

Član 1.

Godišnjim planom se utvrđuje plan raspodjele ubranih naknada za godine 2018. i 2019.

Ovim planom se utvrđuju kriteriji i opšta načela raspodjele, u skladu sa Pravilnikom o raspodjeli Udruženja.

Član 2.

Raspodjela autorskih naknada u prvoj raspodjeli (2018/19) se vrši u prema principima:

- solidarna klauzula
- objektivna dostupnost djela
- proporcionalna raspodjela.

Autorski honorari se dijele na osnovu obračuna ili alokacije nakon statističke procjene objektivne dostupnosti svakog zaštićenog djela za reprodukciju, dok se kriterijum i način podjele određuju odvojeno za autore i izdavače.

Član 3.

Podaci koji su prikupljeni i neophodni za raspodjelu se odnose na:

- a) autore
- b) izdavače.

Svi podaci potrebni za raspodjelu su uneseni u kreiranu bazu podataka i imaju se smatrati ispravnim.

Član 4.

Ukoliko djelo nije prijavljeno, Udruženje će se rukovoditi podacima kojima raspolaže.

Žalbe i korekcije se vrše na osnovu člana 28. Pravilnika o raspodjeli.

Član 5.

Ukupno naplaćena autorska naknada, nakon odbitaka troškova rada Udruženja i vraćanja dijela pozajmica, kao i svih potrebnih fiskalnih odbijanja u skladu sa važećim zakonima, raspodjeljuje se nosiocima prava.

Ukupni iznos predviđen za prvu raspodjelu iznosi 50.000,00 KM (pedesethiljada konvertibilnihmaraka).

Član 6.

Autorska naknada u raspodjeli se dijeli između nosioca prava:

- 50% autori
- 50% izdavači.

Član 7.

Autorske naknade se obračunavaju i isplaćuju bh nosiocima prava, u skladu sa odredbama Pravilnika o raspodjeli i bilateralnih ugovora B tipa.

Rezervacija za inostrane nosioce prava iznosi 5%.

Član 8.

Za domaće nosioce prava obavlja se pojedinačni obračun i isplata autorskih naknada.

Pojedinačni obračun se dostavlja nosiocima prava nakon isplate.

Član 9.

Iznos naknade nakon raspodjele uključuje pripadajuće poreze i doprinose koji su propisani važećim zakonima (bruto iznosi). Po odbitku i izmirenju ovih obaveza od strane Udruženja, nosiocima prava se isplaćuje neto iznos.

Troškove bankarskih transakcija snosi Udruženje, oni se ne plaćaju iz pojedinačnih iznosa bruto naknada.

Član 10.

Autorske naknade se isplaćuju samo ako neto iznos za isplatu prelazi 50,00 KM (član 27. Pravilnika o raspodjeli). Iznosi ispod propisanog minimuma se knjiže u korist nosioca prava i isplaćuju u onoj reparticijskoj godini kada njihov zbir pređe određeni minimum.

Na pisani zahtjev nosioca prava može biti isplaćena autorska naknada bez obzira na visinu naknade.

Član 11.

Svi podaci o ostvarenim autorskim naknadama pojedinih nosilaca prava su službena tajna. Podaci su zaštićeni propisima o zaštiti ličnih podataka. Ovi podaci se mogu dati samo na zahtjev nosioca prava kojem pripadaju, njegovog opunomoćnika ili na zahtjev suda.

Član 12.

Prije obračuna pojedinačnih naknada, iz distribucione mase se oduzimaju sredstva za fond za naknadne uplate nepoznatim nosiocima prava formiranim u tekućoj poslovnoj godini (rezervisana sredstva), sredstva za isplate stranim društvima, te sredstava za kulturne i socijalne namjene ako su planirana.

Član 13.

Sredstva za kulturne i socijalne namjene neće biti izdvojena u ovoj raspodjeli.

Član 14.

Isplata naknada nosiocima prava će biti izvršena do 28.februara 2020. godine.

Član 15.

Sve isplate će biti obavljene u isto vrijeme, bez obzira na kategoriju nosilaca prava (autori i izdavači).

Član 16.

Plan raspodjele stupa na snagu danom donošenja.

Sarajevo, 20.12.2019.
Broj: 20/19

Predsjednica Skupštine

Lejla Alić

